捣藻堂四庫全書

音薈

要

史部

欽定四庫全書答要 典則史紀事本末卷五十

詳校官員外郎臣楊世綸



皇帝孫也憲宗生十皇子長孝宗敬皇帝次興献王弘 欽定四庫全書管要卷八千八百六十二 治七年甲寅興獻王之國安陸州正德二年秋八月帝 生於與即時黃河清慶雲見較異分已而獻王薨帝受 明史紀事本末卷五十 正德十六年夏四月帝即位帝興獻王子憲宗純 明史紀事本末 浙江提學愈事谷應泰編

弟及之文告於宗廟請於慈壽皇太后與內外文武羣 得人宗社生民有賴皇考孝宗敬皇帝親弟興獻王長 寅也翼日丁卯遣司禮監太監章彩壽寧侯張鶴齡尉 子厚熜聰明仁孝徳器夙成倫序當立遵奉祖訓兄終 朕紹承祖宗丕業十有七年有孤先帝付託惟在繼統 勃嗣理國事至是年十有五矣武宗無子臨崩遺詔曰 馬都尉崔元大學士梁儲禮部尚書毛澄齎詔諭金符 臣合謀同解即日遣官迎取来京嗣皇帝位時三月丙

四月百世

寢及未發安陸群帝母將妃嗚咽涕四帝母曰吾兒此 校不隸有司恐為沿途擾特命從官略安等嚴勒之所過 辭謝諸王供饋屏絕有司珍獻禁行殿毋過奢丁卯禮 之安陸州戊寅彩等至興邱帝迎詔國門外至承運殿 異日百官三上箋勸進俟令旨俞允擇日即位大學士 部員外即楊應魁上禮儀狀請由東安門入居文華殿 行荷負重任母輕言帝曰謹受教比發安陸帝以藩衛官 開讀已乃登座受符朝潘衛四月壬午帝解與獻王園 明史紀事本末

禮部尚書毛澄請於大學士楊廷和廷和出漢定陶王 帝不許乃御行殿受箋由大明門入日中即位以明年 覽禮部狀謂長史表宗皐曰遺語以吾嗣皇帝位此 楊廷和命儀部即中余才所擬也壬寅車駕至良鄉帝 樊政盡行董革赦死雜犯以下末減有差两午遣官往 為嘉靖元年凡正徳間冒濫軍功将校夤緣監織權稅諸 狀云何癸卯至京師止城外廷和固請如禮部所具狀 迎帝母興獻如 戊申命禮官集議崇祀興獻王典禮

反匹庫全書

京禮部侍郎而以侍讀學士汪俊代之尚書毛澄會公 言於眾廷和謂瓚獨持異議令言官列瓒他失出為南 待對公車舉人張璁者為禮部侍郎王瓚同鄉士詣墳 宋濮王事授之曰此篇為據異議者即奸諛當誅時有 大統宜以益王子崇仁主後興國其崇號則襲宋英故 **卿莹諫等官六十餘人上議漢成帝立定陶王為嗣而** 以楚王孫後定陶承其王祀師丹以為得禮令上入繼 入繼大統非為人後與漢哀宋英不類蹟然之宣

議最得禮義之正皇上采而行之可為萬世法與獻祀 署名而令崇仁主考與獻王叔益王帝覽曰父母可移 事以孝宗為考興獻王及如為皇叔父母祭告上箋稱姓 當已而廷和復上言舜不追崇瞽腹漢世祖不追崇南 為親藩天理人情庶兩無失尚書澄侍郎俊等六十餘 事今雖以崇仁王異日仍以皇次子後興國而改崇仁 易乎其再議於是廷和及將冕毛紀等復上言程頤漢 人亦復上議如廷和言帝不聽仍命博考典禮以求至 飲定四庫全書

欽 仍命禮官集議追崇大禮 七月觀政進士張璁上大 興獻王雖有問極思斷不可以稱孝廟者稱之也因録 議武宗皇帝以神器授之陛下有父道馬特以昭穆既 定四車全書一 亦各奏議如禮官指帝終不從六月敕修武宗實録 疏曰朝議謂皇上入嗣大宗宜稱孝宗皇帝為皇考 明帝詔文以上留中不報御史周宣進士屈儒侯廷 不可為世孝廟而上稱祖曾高以次加稱宣容異議 明史紀事本末 eg.

頓君皇上取法二君斯聖徳無累澄等七十餘人又上

直曰興獻王長子倫序當立初未當明者為孝宗後比 養之於宮中是明為人後者也故師丹司馬光之論施 之以皇叔父鬼神固不能無疑也今聖母之迎也稱皇 之預立為嗣養之宮中者較然不同夫與獻王往矣稱 定陶王宋濮王故事耳夫漢哀宋英皆預立為皇嗣而 於彼一時猶可令武宗皇帝已嗣孝宗十有六年比於 改稱興獻王為皇叔父皇妃為皇叔母者不過拘執漢 **狙而廷臣遵祖訓奉遺詔迎取皇上入繼大統遺詔**

卷五十

為人後况與獻王惟生皇上一人利天下而為人後恐 帝之後則以兄孫繼若必强奪此父子之親建彼父子 必父死子立也漢文帝承惠帝之後則弟繼宣帝承的 絕為說者則將繼孝宗乎繼武宗乎夫統與嗣不同非 親則可謂嗣孝宗以自絕其親則不可或以大統不可 子無自絕父母之義故皇上為繼統武宗而得尊崇其 號然後謂之繼統則古當有稱高伯祖皇伯考者皆

E

Int do day

明史紀事本末

叔母則當以君臣禮見恐子無臣母之義禮長子不得

冕紀入諭曰至親莫若父母因授以手動曰卿等所言 監官送至內閣諭曰此議實遵祖訓據古禮爾曹何得 獻王不失其為父聖母不失其為母矣疏入上遣司禮 俱有見弟朕罔極之思無由報具今尊父為興獻皇帝 不得謂之統矣臣竊謂今日之禮宜别為興獻王立廟 朕楊廷和曰書生馬知國體復持入上熟覽之喜曰 師使得隆尊親之孝且使母以子貴尊與父同則與 一出吾父子必終可完也是日帝御文華召廷和

中朱鳴陽史于光等御史王漆盧瓊等復奏興獻王尊 上聖孝出於天性臣雖至愚夫豈不知禮謂所後者為 母與献皇后祖母為康壽皇太后廷和退而上言曰皇 號未家里裁大小之臣皆疑陛下垂省張璁之說耳陛 異其名也臣等不敢阿諛順旨仍封還手動於是給事 人後之說總乃謂統嗣不同豈得謂會通之宜乎又欲 下以興獻王長子不得已入承大統難拘長子不得 母而以其所生者為伯叔父母盖不惟降其服而又

月七几岁本末

等仍議給事中朱鳴陽御史王秦等皆欲皇上早從原 議盖有見於天理人情之公斷不容以私意為初政累 之失乞將張璁斥罰奏入俱命禮部議八月尚書毛澄 今日則有朱熹两廟争較之嫌在他日則有魯僖踏問 陳聞火曰其桓僖乎以非正也如廟興獻王於京師在 仇者宣得已哉誠懼其上摇聖志下起羣疑宜將張恐 南興獻王於京師此大不可告魯桓僖宫災孔子在 御史盧瓊給事中史于光歷數張題建議之偏若與 定四庫全書

朝 聖母禮部請用王妃儀仗还之帝不從命錦衣衛以母 謁廟禮太廟非婦人宜入張璁曰雖天子必有母也馬 可由旁門入乎古者婦三日廟見孰謂無謁廟禮子力 不從帝斷議由中門入謁見太廟朝議譁然以婦人 母至京宜由東安門入帝不從再議由大明左門入 后駕儀往又命听司製太后法服以待至是聖母至通 育不聽 之禮后與馬孰謂太廟非宜入乎上又命駕儀奉迎 J. 1. 1 九月興獻王如至通州先是禮部具議聖 明史紀事本末 復

等委曲折中俱朕得申孝情廷和上言聖諭令臣等奉 官曰爾曹已極寵祭獻王草稱胡猶未定因留通州不 祖宗鴻業為天下君長父興獻王獨生朕一人既不得 入帝聞之涕泗不止啓慈聖皇太后願避位奉母歸 折東以申孝情切念大禮關係萬世綱常四方觀 緒又不得嚴稱朕於罔極之恩何由得安始終勞 聞朝廷欲考孝宗惠曰安得以我子為人之子謂從 四四百世 冬十月上諭内閣楊廷和蔣冕毛紀曰朕受

后憲廟貴妃邵氏稱皇太后仰承慈命不敢固違帝從 議之不可不詳必上順天理下合人情祖宗列聖之心 令修撰楊維聰等阻之不得帝覧之留中不下廷和見 閣及禮官勸改前議不從璁乃齊至左順門上之廷和 嗣之異及尊崇墓廟之說甚悉吏部主事彭澤録遺内 安則皇上之心始安矣張璁乃復為或問一帙辨析統 繼承大統本生父與獻王宜稱與獻帝母宜稱與獻 得已乃草動下禮部曰聖母慈壽皇太后懿旨以 J. 1. 1 明史紀事本末

尊號廷和等上言不可宜俟明年大婚禮成慶官闡加 帝因遣司禮監諭廷和曰邵太后興獻帝后亦各擬上 楊廷和以追崇禮成擬上慈壽皇后及武宗皇后尊號 亦上言禮官持議非是時同知馬時中國子監諸生何 奉先奉慈二般而已 兵部主事霍韜見張璁言欲用 之廷和意假母后示非廷議意也 壬午興獻后至自 巡檢房灣各上言如聰議帝益為之心動矣 甲午 州由大明中門入帝迎於闕內朝議不謁太廟上見

卷五十

宏處廷和疑已故出之 十二月除張璁南京刑部主事 恩無盡矣乃出為按察司食事洪大學士費宏鄉人 部尚書喬宇曰張生此論聖人不易恐終當從之字不 先是帝下大禮或問於禮部時楊一清家居遺書吏 以為當稱帝后而祀與獻於别廟則大統之議所生之 上言皇上貴為天子聖父聖母以諸王禮處之安乎臣 之可也 巡撫雲南都御史何孟春上言以為興獻王 不宜稱考廷和覧疏乃權孟春吏部侍郎給事中熊汝

型田里 4 45

明史紀事本末

官弟静處之勿復為大禮說難我耳恐快快而去 光有言秦漢而下入繼大統或尊崇其所生皆取譏當 御史林俊致仕家居廷和寓書於俊以定國是俊上師 語璁曰慎之大禮說終當行也廷和寄語曰子不應南 聽至是廷和咖瑰授意吏部除為南京主事尚書石班 日孔子謂觀過知仁陛下大禮未協過於孝故耳司馬 林俊為工部尚書俊力辭不聽庚寅帝下御礼諭加 貽笑後世陛下純徳何忍襲之疏入留中廷和遂奏

忘所後而重本生任私恩而棄大義臣等不得辭其青 字於本生之親則與正統溷而無别揆之天理則不合 史皇孫王夫人曰悼考悼后而已光武上繼元帝鉅應南 願罷歸吏部尚書喬字等奏曰皇者正統大義若加皇 之加較之前代尊稱已極若加皇字與慈壽孝廟些是 驗之人心則不安非所以重宗廟正名分也上曰慈毒 君以上立廟章陵而已皆未當追尊今日興献帝后

飲

定四車全書一

明史紀事本末

與獻帝后以皇字廷和等上言漢宣帝繼孝昭後追益

是給事中未鳴陽等御史程昌等編修陳沂等百餘人 等見不可爭乃俱求罷歸不報禮部尚書毛澄侍郎賈 皇號母與獻皇太后朕不敢辭爾羣臣其承后命廷和 皇太后懿旨有諭今皇帝婚禮將行其興獻帝宜加與 旨帝不聽仍曰宜遵懿旨稱與獻皇帝興獻皇太后於 詠汪俊等上言若帝后之上有加則正統之親無别恐 不可以告郊廟而布天下內閣大臣直言規諫宜賜諭

各上言如稱非是因請厅題不聽

言欝攸之災不於他自而於清寧之後不在他日而在 愛災臣雖愚知為廢禮之應主事高尚賢鄭佐相繼上 世宗嘉靖元年春正月郊祀南畢清寧宫小房災楊廷 等議稱孝宗為皇考慈壽皇太后為聖母與献帝后為 郊祀之餘變宜虚生災有由召帝覧之心動乃從廷和 後殿豈興獻帝后之加稱祖宗神靈容有未悅乎給事 和將冕毛紀费宏上言火起風烈此殆天意况迫清寧 鄧繼曾上言五行火主禮令日之禮名紊言逆陰極 明史記事本だ

本生父母而皇字不復加矣 巡撫湖廣都御史席書 或未安故皇上嗣續大業非繼孝宗之統繼武宗之統 追所生曰帝后上慰慈聞今踰年改元尊號未上明詔未 具既曰過者廷議大臣比之宋事竊謂英宗入嗣在家 人情皇上尊為天子慈聖將臨設無尊稱於情難已故 與獻王子别立廟祀張璁霍韜之議未為迁也禮本 非繼武宗之統繼祖宗之統也以皇上承繼武宗仍 臨御之日皇上入繼當官車晏駕之後比而同之似

定匹庫全書 2

人之私後世之事也興獻之得稱帝者以陛下為天子 陛下之繼二宗當繼統而不繼嗣興獻之異羣廟在稱 后不可以興獻字加之吏部員外即方獻夫亦具既曰 支不論尊尊親親並行不悖至於慈聖應稱曰皇母某 欠 n.)] · l. s. | 明史紀事本末 祀則大統正而昭穆不紊隆以殊稱則至愛篤而本 而不稱宗繼統者天下之公三王之道也繼嗣者

立廟於大內每時祭太廟畢仍祭以天子之禮盖別以

毋乃擬議之未定乎臣愚謂宜定號皇考與献帝

告天下稱孝宗日皇伯稱興獻帝日皇考别立廟祀之 夫然後合乎人情當乎名實二既俱中且不果上 也不得稱宗者以實未當在位也請宣示朝臣改議布 月上孝宗太后尊號曰昭聖慈壽皇太后武宗皇后曰 子廷和等上言不可復傳諭宜稱孝子廷和等言冊 肅皇后聖祖母邵氏曰壽安皇太后本生父曰與献 稱長子本生文情自明請勉行正禮從之遣官詣安 母曰興國太后先是司禮監傳諭興獻帝冊文朕宜

除文移两京不以詔天下禮官請素服御西角門帝曰 吉典御奉天門視事久之乃允仍命不鳴鐘鼓不鳴鞭 諡孝惠皇太后羣臣奏壽安皇太后服制已滿宜漸從 壽安皇太后崩楊廷和定為哭臨一日喪服十三日而 輔上冊寶禮部侍郎賈詠題神主詠遵廷和指題其主 朕哀慕方切豈忍遠從所請十二月上壽安皇太后尊 與獻帝神主不稱考及叔亦不叙子名 冬十 一與獻帝尊號命司禮太監温祥督禮儀成國公朱

足日華全書

明史起事本末

當少殺以避二統之姓帝曰仍用八伯於是何孟春及 言正統本生義宜有間八何既用於太廟安陸樂舞似 給事中張翀黃臣劉最御史唐僑儀秦武等南京給事 帝命楊廷和集議之禮部侍郎賈詠會公侯九卿等上 后主於奉慈殿遣官告安陸廟南京刑部主事桂夢日 如太廟儀從之禮部請置奉祀官又言樂舞未敢輕議 二年春二月太常卿汪舉上言安陸廟宜用十二邁豆 鄭慶雲各上言力爭不報 冬十一月奉孝惠皇太 老五 ナ

與張璁討論古禮其議符合至是上言大禮并獻席書 宗之統奪興獻之宗夫孝宗有武宗為子矣可復為立 者也今禮官以皇上與為人後而强附末世故事滅武 方獻夫議草疏曰臣聞古者帝王事父孝故事天明事 後乎武宗以神器授皇上矣可不繼其統乎令舉朝之 母孝故事地察未聞廢父子之倫而能事天地主百神 進故達禮之士不敢遽言其非切念皇上在興國太后 臣未聞有所規納者何也盖自張聰建議論者指為干 明見记事本末

宗曰皇兄則天下之為父子君臣者定至於朝議之謬 之側概與獻帝弗祀三年矣而臣子乃肆然自以為是 亦自有別今皇上奉祖訓入繼大統果曾親承孝宗詔 爵悉用皇子故事與入繼之主事體不同則宋臣之 仁告英宗曰陛下昨受仁宗詔親許為仁宗子至於封 有不足辨者彼所執不過宋濮王議斗臣按宋臣范純 興獻帝曰皇考而别立廟於大內興國太后曰聖母武 可乎臣願皇上速發明詔循名考實稱孝宗曰皇伯考

鉱定

四庫全書

斷 敢愛死再申其說并録二臣既以聞既奏上曰此關係 上必為之楊然更改有無待於臣之言者至今未奉宸 則考與獻帝母與國太后可以質思神侯百世者也臣 三年春正月楊廷和罷禮部尚書汪俊請曰公去誰與 豈皇上偶未詳覧耶抑二臣將上而中止耶故臣 欲上請乃者復得見席書方獻夫二臣之既以為皇 綱常仍會文武羣臣集議可否 明史记事本本

而為之子乎則皇上非為人後而為入繼之主明矣然

主者適主事侯廷訓據宗法為大禮辨過示羣臣俊得 之喜曰違斯議者當斬也於是吏部尚書喬宇率九即 皆如部議其當從違可知矣帝曰更祭衆論議之給事 霍韜熊浹與桂萼議同其他八十餘既二百五十餘人 上為武宗親弟自宜考孝宗母昭聖前後章奏惟張璁 佐及翰林臺陳官上言祖訓兄終弟及以同産言也皇 上言必以孝宗為考而後大宗為不絕後復會公侯卿 中張翀等三十有二人御史鄭本公等三十有一人各一

定四庫全書

盖心動乃命取督賬侍郎席書南京刑部主事桂萼張 黃縮錦衣衛干戶畢能遷各上疏議其言與瑰議合帝 瑰詣京集議時霍韜居里中亦並 召之 滅以儀實沈實既上代府長史李錫南京都察院經悉 獻帝興國太后止各加一字以備尊稱不報是時楚王祭 101 Jan 1 101 明史紀事本末 興國太后千

抗章力論以為當從衆議上怒其奶言亂政俱奪俸修

撰唐舉亦言陛下宜考所後以别正統隆所生以備尊

稱帝謂舉模稜持两可亦奪俸於是汪俊等更議於興

帝怒命逮訊侍郎何孟春論救不報已而陳追李本刑 有因事拂抑之懷往時存殁之感若出自聖意則母子 至情有隆無已豈可以聖旦嘉節而輟此盛禮哉疏 后壁旦先期有旨命婦免入朝賀朱制馬鳴衡上言暫 秋節命婦各上箋覿賀宴資倍常是月晦日昭聖皇太 際忽傳報罷安得無疑竊謂此意若出太后其間必 朝賀在尋常固可然當議禮紛更之時正人心匆惶

戶四庫全書/

部員外郎林惟聽各抗言馬鳴衛朱淛不知太后懿旨

能無所軒輕而忠臣義士且將杜口結舌不敢復議天 **輕有論列原其本心以為議禮之初太后輕不受朝** 媚其禍有不可言爾今乃下之詔獄加以嚴刑天下聞 將謂陛下之心有所偏主而好讒之流或從而乗問獻 下事矣帝怒其煩擾併逮繋考訊大理卿鄭岳論殺不 將調陛下以宮闈之故罪及言官本生正統之義不 三月奉興獻帝為本生皇考恭穆獻皇帝與國太

后為本生母章聖皇太后初帝召張璁等都御史吴廷

月之 紀事本末

舉恐璁至不變初説請勅諸生及南京大臣及者徳舊 一皇字則執政必姑以此塞今日之議臣恐天下知義 乃命草詔加上尊號給事中張翀等御史朱實昌等交 紀宏諭加尊號及議建室冕對曰臣等願陛下為堯舜 臣各陳所見以備采擇聰夢乃復上疏申明統嗣之辨璁 禮者仍必議之不已也帝嘉納之是日帝御平臺召冕 且曰今之如稱不在皇與不皇實在考與不考若徒争 定四庫全書 願為漢哀帝曰充舜之道孝弟而已矣冕等不能對

章力諫帝切責之勃禮部曰聖母昭聖慈壽皇太后特 帝本生母興國太后今加稱為本生皇考恭穆獻皇帝 議日皇上入奉大宗不得祭小宗為本生父立廟大內 本生母章聖皇太后又曰朕本生父母已有尊稱仍於 加尊號為昭聖康惠慈壽皇太后又朝日本生父與献 從古所無惟漢哀帝當為共王立廟京師師丹以為不 奉先殿側別立一室盡朕追慕之情禮部尚書汪俊上 可請於安陸廟增飾為獻皇帝百世不遷之廟侯他日襲

明史紀事本末

宗法大小必洞然無疑故曰建室以避立廟之名也於 侍郎胡瓒等上言大禮已定席書督賑江淮實關民命 小宗安陸祭祀無庸改議矣時湛若水石班張种任洛 奉先殿側以避大内之名也推此則專於大宗必隆於 公論以伸至情吏部尚書喬字等復奏曰皇上聖屠於 至情矣上口朕奉太廟豈敢問越與漢哀帝不同務協 封興王子孫世世奉享陛下歲時遣官祭祀亦足以伸 汪舉等皆具奏不聽於是汪俊求去上切責能之 户部 定匹庫全書|

字為外之之辭也必亟去二字繼統之義始明而人心 信從矣疏入上命復召来京蔣冕言於帝前曰二人若 陽矣見邱報動加尊號乃復上疏極論兩考之非且曰 為禮部尚書給事中安磐等上言大禮之失自霍韜張 陰術皇上不察以為親之之辭也不知禮官正以此二 知本生二字决非皇上之心所自裁定特出禮官之 必撰殺之帝不問而遣人超使速来遂降中旨以書

子日車在日

明史紀事本末

不必徵取來京上從之併止恐等勿來時恐夢已抵鳳

蓄議豪而不自進陰託柱萼代奏干龍而璁夢每造書 快人心南京給事中黄仁山等亦上言書巧詐邪佞私 題欲考本生而那說始起自桂萼進席書方献夫之論 宜且祖制上卿俱推舉簡用令何取於書而出自內降 南道御史田麟等亦上言汪俊席書邪正相反進退失 言書督販再方煮粥誤民致死生民數萬宜正國法以 所必在暮夜其為陰類懷人無疑乞加罷斥召還汪俊 而邪說益張乞寢書新命治夢等奸罪張漢卿等亦上

盡朕歲時急切之情於是修撰呂柟編修鄉守益俱上 臣之義欺朕冲年眇忽綱常其奉先殿西室亟行修飾 園遠在安陸卿等安乎今黨同執奏敗父子之偷傷君 世世承享帝曰朕承天命祗奉宗祀孝養聖母皇考陵 赐等會侯伯卿貳翰林臺省力言建室之非且曰臣等 仍廟安陸歲時遣官奉祭供異日皇子衆多襲封興王 耶乞同題等併無以避賢路俱不報 祖訓本禮經守師丹程頤之論以悟主心姑傅建室 禮部侍郎吴

飲定四庫全書

見处紀事本末

冕等復上言此字惟宗廟祝文用之今稱長子已盡孝 本生聖母章聖皇太后冊文帝遣司禮官傳諭欲於昭聖 於獻皇帝冊內加一孝字章聖冊內欲去本生母三字 守益廣徳州判官 命內閣擬撰聖母昭聖皇太后與 母自稱長子蔣冕等力言不可仍以原文封進帝覽之逐 冊內稱嗣皇帝獻皇帝冊內稱孝長子章聖冊內加稱聖 疏争之帝怒俱逮赴鎮撫司考訊給事中張班章僑御 張鴝翰等交章論极不報已而欲具滴神解州判官

敬皇帝神謨聖政是繼是行仰惟聖母昭聖慈壽皇 一聖字帝御奉天殿受賀布詔天下詔曰朕躬膺天命 難輕去仍封還御此乃依原文止稱長子章聖冊內加 情又加此字有干正統且本生母三字係動諭擬定亦 聖母尊號曰昭聖康惠慈壽皇太后興國太后日本生 育之恩罔舜報稱尊稱未極恒用級然恭奉冊實加上 后摊翊之功莫罄名言本生父母與獻帝興國太后鞠 嗣承皇兄武宗毅皇帝大統派奉宗祀惟我皇考孝宗 欽定四車全書 明史紀事本末

中外不能無疑宜追寢前命不報冕遂移疾乞去帝從 等所知又命書為禮部尚書聰夢復取来京聖意所向 號里母昭聖皇太后遠有懿旨免命婦入賀其故非臣 禮儀朕自裁定旣而冕上言皇上恭詣仁壽宫加上尊 綱常紊矣將冕求罷歸帝曰朕方倚任共圖治理建室 之御史王泮等疏留不報 五月以奉先殿西室為觀 聖母章聖皇太后義專隆於正統禮無盡夫至情是時 張璁至東昌讀詔書嘆曰執政忍為此欺乎兩考並稱

被殿欲安献皇帝主也禮部侍郎吴一鵬朱希周郎中 陸廟中神靈攸依奉先殿西室宜設神位以便時享如 自寢園迎入大内者况安陸乃啓封之地獻皇帝神主 考恭穆獻皇帝迎如京師一號等復上言歷考前代無 即吳一鵬之安陸改題神主奉上冊寶尊號日本生皇 奉慈殿之儀不報遣司禮監太監賴義京山侯崔元侍 江必東員外郎翁磐主事彭黯等上言獻皇帝主在安 不宜輕動惟永祀安陸則本生之情盡而正統之義得 明免犯事本末

言此者九廟神靈使之言耳六月璁夢至京復同上疏 不平力犯羣議舉朝疾之如仇甚可畏也臣途窮矣尚 鳳陽亦上大禮考議言諸臣講學不明固執私意且曰 宗不當兄藝祖不當稱兄則不當稱伯明矣帝怒其 七事極論两考之非以伯孝宗而考與獻為正俱留 禮也廷臣者舊自有知者不敢犯衆而與夢等感激 不下鴻臚寺少卿胡侍上言唐魯宗不當兄中宗宋 定 四庫全書 霍韜將赴召復上言力辨二統之非而席書在

諫官交章攻擊以為當與席書並正其罪章十餘上俱 擊之無一人與通總導稱疾不出數日後退朝班恐有 狂率出侍為潞州判官初張璁桂夢至京師廷臣欲捶 降中旨命桂萼張璁為翰林學士方獻夫為侍講學 尚書趙鑑私語那曰若得俞旨便撲殺之帝庶知之遂 報聞給事中張神取羣臣彈章奏發刑部令擬題等罪 切責胂鑑罪之璁萼獻夫各上既辭不允吏部尚書為 伺者出東華門走入武定侯郭勲家勲喜約為內助臺

明史记事本末

宇上言等等偏執異說搖動人心願賜罷點帝怒切責 等所言者冷聚段猶之餘也學術不同議論亦異臣等 冬野李克嗣崔文奎及侍郎陳鳳梧都御史鄒文盛伍 等亦争之俱下獄外補已而南京尚書楊旦顏頤壽沈 立正論邪說不並行臣等所執者程頤朱熹之緒也喜 修許成名崔桐簡討邊憲金奉等上言君子小人不並 恥與夢等同列上罷其俸給事中季學曾等御史吉堂 一字遂求去從之修撰楊慎廷和子也率同官姚梁編

欽

定四庫全書

詔不言繼嗣五日禮輕本生父母六日祖訓姪稱天子 無立後三日孔子射於豐圃斤為人後者四日武宗遗 十三事以上一曰三代以前無立後之禮二曰祖訓亦 裏既為之子則當稱父矣而可仍曰伯叔父乎帝覽之 怒逮緊恐狱巴而釋之 小宗也為人後者為之子言雖出公羊實與儀禮相表 駁題善之議器曰禮立後者重大宗也適子不為後輕 秋七月題夢既拜新命復

明史紀事本末

古四

一文定等復以為言俱切責之員外薛蕙著為人後解

字紀等力言不可亡何帝御平量名紀等責之曰此禮 太后三年丧十二日新頒紹令決宜重改十三日臺諫 訓皇后治内外政無得干預十一日皇上失行壽安皇 朱熹當論定陶事為壞禮九曰古者遷國載主十曰祖 何孟春為論條辨帝切責之璁萼復辭職不許乃就官 名上疏勢有所廹皆條列禮官欺罔之罪疏入留中 伯叔父七曰漢宣帝光武俱為其父立皇考廟八 采其議屬遣司禮監官至閣諭毛紀等去冊文本生 四月全書

當速改爾革無君欲使朕亦無父乎紀等惶怖退召百 達旦語禮部侍郎朱希周曰此禮復更禮官尤當争之 官至左順門勒曰本生聖母章聖皇太后今更定尊 林寺部臺諫諸臣各上言力争本生二字不宜削章十 不足取信於天下孟春與尚書泰金學士豐熙等及翰 昭聖已越三年令更定之諭忽從中出則明詔為虚文 於是希周率即中余十江必東等上言皇上考孝宗母 曰聖母章聖皇太后後四日恭上冊寶何孟春退草疏

明史紀事本末

復相號召於是秦金趙鑑趙璜俞琳朱希周劉玉王時 文華門争慈懿皇太后葵禮憲宗從之此國朝故事也 楊慎曰國家養士百五十年仗節死義正在今日王元 文華倡言曰諸既留中必改孝宗為伯考則太廟無考 正張胂等遂遮留羣臣於金水橋南曰萬世瞻仰在此 正統有間矣何孟春曰憲宗朝尚書姚峻率百官伏哭 三上俱留中不報戊寅帝朝罷齊居文華殿金獻民徐 一舉今日有不力爭者共擊之何孟春金獻民徐文華

余瓒張仲賢葛檜來宗儒凡二十有三人賈詠豐熙張 二十人謝黃毛玉曹懷張嵩王瑄張擬鄭一鵬黃重李 桂章王三錫余承勲陸武王相應良金皐林時王思凡 張潤汪舉潘希曾張九叔吴琪張瓚陳霑張縉蘇民 舒芬楊維聰姚涞張行慶許成名劉棟張潮崔桐葉 人余朝葉竒鄭本公楊樞劉頡祁果杜民表楊瑞張 趙漢陳時明鄭自璧裴紹宗韓楷黄臣胡炳凡十有 劉議亨許中陳克宅譚續劉那張録郭希愈蕭 明史紀事本未 ニナム

張恂倪宗嶽王璜沈教鍾卿客胡瓊張漁何鰲張曰韜 高張庠高主安璽王尚志朱藻黄一道陳儒陳廷臺 登程旦尹嗣忠郭日休李録周韶戴元繆宗周丘其仁 伊凡十有二人黄待顯唐昇賈繼之楊昌楊淮胡宗明 栗登党以平何嚴馬朝即申良鄭漳顧可久婁志德徐 田張鵬翰林有孚凡二十有九人余寬党承志劉天 馬理徐一鳴劉勲應大獻李舜臣馬冕彭澤張臨洪 据張希尹金中夫丁律凡三十有六人余才江必東

定四庫全書

應產凡十有二人陶滋質縉姚汝身劉淑相葛潮劉章 張聽張懷翁磐李文中張潔張鐘豐坊件瑜丁汝變 欽張儉劉士奇部勒趙廷松熊宇何鰲楊濂劉仕蕭檀 楊儀王徳明汪溱黄加賔李春芳盧襄華鑰鄭晓劉 有七人趙儒葉寬張子東汪登劉璣江冊金廷瑞范總 顧鐸王國光汪嘉會殷承叙陸銓錢鐸方一蘭凡二 張峩詹潮胡璉范禄陳力張大輪葉應駿白轍許路戴 郭持平余禎陳賞李可登劉從學凡二十人相世芳

呼高皇帝孝宗皇帝者帝聞之命司禮監諭退不去金 魔淳伍餘福張鳳来張羽車純將珠鄭鎦凡十有五人 王天民鄭重杜鸞凡十有二人俱赴左順門跪伏有大 母 班遂赴左順門跪伏上復遣司禮太監諭之退羣臣 德純將同仁王瑋劉道陳大綱鐘雲瑞王光濟張嶽 伏不起自辰追午帝怒命司禮監録諸姓名收繫諸 民曰輔臣尤宜力爭朱希周乃詣內閣告毛紀紀與 定四庫全書

為旨者豐熙張翀余寬黃持顯陶滋相世芳母德純等

其餘四品以上者俱奪俸五品以下者杖之於是編 繁官上請初速繁時有奔匿者至是悉追緊之併待罪 者總二百有二十人上責之命拷訊豐熙等八人編伍 王相等一百八十餘人各杖有差王相與王思裴紹宗 待罪已卯上聖母章聖皇太后冊寶庚辰錦衣衛以在 於獄何孟春等二十有一人洪伊等六十有五人姑今 震關廷上大怒遂命速緊馬理等凡一百三十有四人 人於欲楊慎王元正乃撼門大哭一時羣臣皆哭聲

定四車全書

明史紀事本末

是日復趣席書来京南京祭酒崔銑以災異陳言議禮 **璽段承叙等十有九人俱病割先後卒恭穆獻皇帝主** 毛玉胡瓊張曰韜楊淮張深申良城應奎仵瑜余祯安 一事或擴斥或下獄非聖朝美事上不悦令致任而陳 至自安陸帝迎於闕内奉謁奉先奉慈二殿已乃奉於 一德殿上冊寶尊號曰皇考恭楊獻皇帝不復言本生

洗先為給事中言事件旨出為按察司愈事至是上言

陛下察幾致决毅然去本生二字有人心者成謂始

修撰楊慎編修王元正給事中劉濟安磐張漢卿御史 奏議禮差謬更正得宜俱留中不報 典千户聶能遷百户陳紀教諭王价録事錢子威各論 和要定策功沮撓大禮使陛下失天倫之正廢追崇之 史道于桂曹嘉以作正氣帝悦復以洗為給事中逮 張原王時柯於詔獄復撰之謫楊慎王元正劉濟成邊 何孟春調南京工部毛紀罷 南寧伯毛良上言楊廷 至日華全書 一 明史紀事本末 ハ月席書至京

全父子之恩無不感泣乞罷喬宇夏良勝以息邪說復

當書曰人臣事君當將順其美於是書夢題及獻夫會 嘉之 九月段稱孝宗敬皇帝為皇伯考昭聖皇太后 為皇伯母初集議時汪偉鄭岳徐文華等猶與題等力 徐文華仍力言孝宗祝享昭聖冊寶尊奉已久不宜輕 以孝宗者名未正悉發諸議留中者命禮部集議鄭岳 辨可否武定侯郭勲遠曰祖訓如是古禮如是璁等言 政帝切責之胡世寧時居憂里中亦上言與璁等合帝 公鶴齡侯熱鸞等六十有四人上言三代之法父死子

尊尊親親兩不悖矣議上從之乃改稱孝宗為皇伯考 等會公侯九卿諸廷臣上言乞治全罪帝曰先陵遠在 顧陵下工部議尚書趙璜等上言太祖不遷祖陵太宗 昭聖為皇伯母祭告天地宗廟布詔天下安陸松陵帝 不遷孝陵願以為法帝命禮臣會多官集議尚書席書 母也宜稱曰皇伯母獻皇帝主别立稱室不入太廟 改名顯陵等諸陵矣及大禮既定百户随全請改遷

ŗ

ווו מו שבו לו שבות מו (יוו

明史紀事本末

三十

繼兄終弟及人無二本孝宗伯也宜稱曰皇伯考昭聖

澳臣等敢不盡言帝乃罷議命顯陵祭如七陵 安陸朕瞻仰哀切其再議之書與題夢等復上言學 孟春一人編成者學士豐熙等八人决杖死者編修王 月授官以来見以大禮伏嗣觸犯罪怒大臣改任者何 羅玉等若而人以織造抗使臣遠緊者布政使馬卿知 思等十有七人以忤使臣而逮繫者副使劉秉鑑知府 評事章商臣上言臣以廷平庶獄為職臣自今年 順人心令多官皆曰帝魄不可輕動地靈不可輕

乾等五人以京堂官為所屬計奏下獄者御史任洛副 淵請立世室崇祀皇考於太廟帝命禮部集議尚書席 四年春三月詔修獻皇帝實録 夏四月光禄寺丞何 復其官及其子孫庶不失欽恤之意疏入調外巡撫江 關甚鉅者也臣不敢愛死惟陛下大奮明斷將諸臣録 決 任忠等二人此皆國家大獄上干天象下駭民俗所 都御史陳洪謨亦言之留中不報 足日華社書 明史紀事本末

府查仲道等若而人以失儀下獄者御史葉奇主事祭

徳祖居北後改同堂異室議就則以太祖擬文世室太 書等上議王制天子七廟三昭三穆周以文武有大功 言不可題曰臣與廷臣抗論之初即曰當改為獻皇帝 立廟京師又日别立禰廟不干正統此非臣一人之私 之太祖太宗立世室於太廟甚無據不報張璁桂夢俱 天下萬世之公議也今湖乃以献皇帝為自出之帝 擬武世室令献皇帝以潘王追崇帝號何淵乃欲比 乃立世室與后稷廟皆百世不遷我太祖立四親廟

書會羣臣復上議争之大學士費宏石班買詠尚書處 入於太廟禮之不得為者也此臣昧死勸皇上勿為席 廟不知序於武宗之上與武宗之下與昔人謂孝子之 立廟京師比孝元帝至今非之今淵請入獻皇帝於太 不孝别立禰廟禮之得為者也此臣昧死勸皇上為之 心無窮分則有限得為而不為與不得為而為之均為 wat to dute ! 明史紀事本末 主

周文武不經甚矣上干九廟之威監下駭四海之人心

不敢不為皇上言之昔漢哀帝尊定陶共王為共皇

地 太廟尊尊親親並行不悖書等遂上議宜於皇城內擇 書日觀德殿規制未備宜聖心未無也須别立朝不干 紀秦金及九卿臺諫官各上既力争俱不報題夢乃謂 太宗比文武皆百世不遷懿祖以下隨世而挑獻皇帝 兩 與孝宗同世親盡同秘帝日别廟不與祖宗序列他日 與孝廟同帝問其故書對曰我朝德祖比后稷太祖 全從之 六月作世廟初席書上廟議有曰親盡之 立稱廟不與太廟並列祭用次日尊尊親親庶為

屋台電

宜藏主寝殿嚴暮出祭如太廟議帝曰皇考生朕 奉秘藏於何所何以伸朕世享之情其再議之書上言 也君也獻皇帝舊為潘臣小宗也臣也以臣並君亂天 事中楊言等上疏乞罷世室器曰祖宗身有天下大宗 殺其制路由闕左門入已而命定廟名曰世廟禮科給 入繼大統令特立廟世世不遷伸朕孝思乃命工部相 於太廟左環碧殿旁立廟前殿後寢一如太廟而微 大分以小宗並大宗干天下大統無一可者不聽 1 to 1 to 1 明史紀事本末

皇太后獻皇帝之祖母孝惠皇太后又聖母也廟出其 璜言移觀德殿於奉先殿左必與奉慈殿對峙孝肅太 奉慈殿後地勢迫監欲改建於奉先殿左工部尚書賴 五年夏六月獻皇帝實録成 十二月席書上大禮集議帝命領賜藩府及中外羣臣 左恐神靈有所不安席書亦言世廟之建民勞踰年人 仍令各省刊布以傳 告成力亦當節帝復諭大學士費宏等曰遷觀徳殿 秋七月帝以觀德殿在

帝奉章聖皇太后謁見世廟先是帝諭輔臣曰聖母欲 帝自觀德殿奉献皇帝主於世廟復自武英殿迎献皇 與奉慈殿無預卿等勿蹈前日之誤宏等乃乞動禮 各上言災異非常乞仍舊以寬民力不報丁丑世廟成 二部下日管度給事中張高衛道御史郭希愈陳京 謁世廟卿謂何如費宏楊一清曰國初禮制皇后謁太 欽 廟永樂時改謁奉先殿無至太廟者帝以問題夢對曰 神位於觀德殿禮成羣臣表質撰世廟樂章 定四庫全書 明史紀事本末

唐開元禮有皇后廟見之儀國初皇后竭太廟內外命 告成是大祭禮不可附會章聖皇太后宜於奉主之後 太后中宫宜先見太廟以補前禮之關次謁世廟以成 个禮之全宏一清曰題萼所引開元禮不可為法國初 行復定冊后止謁奉先殿題善所引俱大婚禮令世廟 禮文未定二臣欲復廟見是彰祖宗之闕也不可席書 陪侍永樂止謁奉先皆當時禮官失考非祖制也皇 龍曰高皇帝準古廟見禮為大婚冊后之制未及施

廟之祭王服家冕而入立東序后服副韓而入立西序 學士石班上言祖宗家法凡后她入宫未有無故復出 以復古禮未為不可因自具儀以上席書等不能難大 九献各四拜是天子與后共承宗廟也皇上毅然舉行 可勝言可不慮故帝怒切責之席書等乃上請聖母謁 而况后妃乎漢唐之季事不師古女福時作其患不 太廟尊嚴乃天子對越之所非時享拾祭亦未輕出 明史紀事本末

飲定四庫全書

祗謁觀德殿則祖宗法守之益堅矣 鸡萼曰周天子宗

六年春正月諭修典禮全書張璁纂要界二卷以進上 今日也自漢宋諸臣争之故皇上之改改漢宋諸君也 曰俱用同日次第舉行 一際難於次日舉行禮部復請歲暮權與太廟同日帝 日視牲今祭用次日則齊戒視牲日各不同且歲暮 此禮之失非今日也自漢宋諸君失之此禮之争非 次日太常寺謂時享太廟及觀德殿先三日齊戒先 必得上同行以主斯禮從之 禮部議祭世廟用太

宜仍舊帝諭輔臣再議大學士楊一清賈詠程靈上言 尚武功故止用文始昭德世廟止用文舞亦比意也不 漢高帝以武功定天下故奏武德文始舞惠文二帝不 付史館纂述 費宏等定議世廟樂舞止用文舞随堂 所載皆儀文制度而已今宜如通鑑凡例以年月日為 事關大禮者必書備載聖裁乃輯為要零以献帝命 淵上言世廟樂舞未備下禮部集議侍郎劉龍等議 1. dia 19/ 明史紀事本末

臣等之争争漢宋諸臣也昔唐有開元禮宋有開齊

今乃六十有四可乎以天子父不得享天子禮樂何以 七年夏六月明倫大典成加張璁少傳無太子太傅声 天子八佾為人六十有四諸侯六佾為人三十有六國 尊獻皇為天子父宜以天子禮樂祀之缺一不可且 太廟文武仍各八計百有二十八人王國宗廟文武 缺典張璁獨上言王制有曰祭用生者皇上身為天 各六計七十有二人獻皇在藩時固用七十有二人 四方法萬世帝從之

欠正屋台语 |

轉相附和林俊著論迎合喬宇為六卿之首乃與九卿 楊廷和謬主濮議尚書毛澄不能執經據禮將冕毛紀 部尚書謹身殿大學士追奪議禮諸臣官勒曰大學士 等官交章妄執汪俊繼為禮部仍注邪議吏部即中夏 削籍為民毛澄林俊俱已病故各奪其生前官職將冕 魁以定策國老自居門生天子視朕法當修市特寬宥 良勝脅持庶官望遂和志何孟春以侍郎掌更部鼓舞 臣伏嗣喧呼朕不欲已甚姑從輕處楊廷和為罪之

草白点

明史紀事本末

重夏良勝釀禍獨深俱發原籍為民其餘两京翰林科 毛紀喬宇汪俊俱已致仕各奪職別住何孟春情犯持 皇帝聖母為章聖慈仁皇太后詔告天下 與聞者俱從寬不完其先已正法典或編成為民者不 月加上皇考聖母尊號皇考為恭喜湖仁寬穆純聖歌 八年十月朔日食刑部員外即邵經那上言詩十月之 部屬大小衙門各官附名入奏或被人代署而已不 爾禮部揭示承天門下俾在外者成白警省

鎮海衛與楊慎等永遠不宥死成所 交刺無良也意者陛下以議禮之故亟用張璁皇父專 宗號令施於皇考徒擁虚名可會郭勲李時議之既而 室恐皇考亦敦讓太宗宜别擬議且世字来者或用 言曰朕思皇考廟名似大不安太宗百世不遷故名 十五年冬十月更世廟為献皇帝廟帝諭禮部尚書夏 權致召天變則所議者不為公禮矣可守也亦可變也 可成也亦可毀也疏入帝怒其疏末有引用茅焦語 明史紀事本末

十七年五月議集明堂秋饗禮先是皇考獻皇帝止舉 意於是夏言上言禮惟有功徳者别立廟祀百世不遷 献皇帝廟止修時祀以避豐稱之嫌 名之曰世周之文武世室是也皇考獻皇帝雖為生皇 又諭白皇考廟止稱獻皇帝廟庶别宗稱以見推尊之 比跡契稷而前有文皇既稱太宗義當尊讓後有聖 公議定帝從之命以所議付史館 必為世宗理宜虚缺今欽定獻皇帝廟庶幾明祀正 十二月九廟成

定匹庫全書 1

大祀殿在園丘之北正應古之方位明堂秋饗之禮即 萬上言諸儒論禮不一臣惟明堂園丘皆以事天地令 大于嚴父嚴父莫大于配天宜建明堂尊皇考為宗以 配上帝又天下郡邑宜各立明堂歲時祝拜君上以尊 祀不祀太廟于是揚州府同知致仕豐坊上言孝草 故秋祀明堂以父配之自漢武迨唐宋諸君莫不皆| 可行不必更建至於侑饗之禮傳以為萬物成形於 廷勿寄位釋官聚體統下禮部議坊熙子也尚書嚴

之曰三代之禮莫備於周郊祀后稷以配天宗祀文王 為過情何在為不宜也復命集議户部侍郎唐青疏争 帝曰明堂秋饗宜於奉天殿行之其配享皇考稱宗不 寧矣至於稱宗之禮則未有帝宗而不附太廟者臣不 皇第揆以嚴父之旨以皇考而不得配陛下庸有所弗 然主親親也至於錢公輔司馬光孫行程朱諸賢所論 敢妄議以負陛下惟聖明裁擇帝以示夏言言不敢議 主祖宗之功徳今以功徳則宜配文皇以親則宜配獻 欽定四庫全書 紀事本末

祭移於武王也皇上嗣統之初廷臣執為人後之說於 於明堂以配帝未聞成王以嚴父之故廢文王配天之 今日乃惑於豐坊耶臣謂明堂之禮誠不可廢惟當奉 出為民尚書為乃上言考秋餐成物之旨嚴父配 宗配於禮為宜若獻皇帝得聖人為之子不侍稱宗 陛下嘉答諸臣亦云朕奉天法祖豈敢有干太廟 力正大倫者惟張孚敬席書諸臣及何淵有建廟 配而專廟之享百世不選矣疏入上大怒下胃錦 甋

りことちょう

+

之文皇考侑饗允合周道帝嘉納之 靖難功與開創同當稱祖以別之高遂上議曰古者父 考於太廟初帝因嚴高請既動禮部議又諭為曰太宗 皇考親孝宗弟臣謂宜奉皇考於孝宗之廟我太祖即 定四庫全書 一一稀給圖又以太祖太宗同居的位皆古事之可據者 認議太廟禮學士宋湜議以太祖太宗合祭同位其 故也晉則十一室而六世唐則十一室而九世宋真 異昭穆兄弟同世次股有四君一世而同廟不係父 秋七月議附皇

欽

位仁祖雖自布衣必饗天子之祀皇考顧獨關馬聖心 二十年夏四月辛酉九廟史時久陽不雨是日初昏陰 必有所不安又曰古禮宗無定數祖非有功者不得稱 漢世稱祖者二高祖世祖光武再造漢室故無二祖之 辛已奉太宗文皇帝為成祖皇考獻皇帝為唇宗癸未 奏出 羣臣翕然無異議時張字敬死已六年矣 九月 科皇考於太廟辛卯大饗上帝於玄極殿奉屬宗配字 我文皇定馬持危功莫大馬尊稱為祖聖見允宜當

明史紀事本末

其主延及成祖主亦殿遂及太祖昭穆羣廟惟獻廟 之父實未當南面臨天下而今乃與祖宗諸宗諸帝並 穆宗隆慶元年春三月禮科左給事中王治上言献皇 雨 二十四年秋七月太廟成布詔天下 縣至大雷電以風忽震火起仁廟烈風嘘之須與燬 雖親為武宗之叔父然當北面武宗而今乃設位於 入廟稱宗在今日猶有當議者盖獻皇雖贵為天子

武宗之右揆之古典終為未合故先帝於献皇帝初 靈以光先帝大孝章下所司格不行 之後世廟之享猶不忘設是先帝之心亦自有不安者 則億萬世不改惟陛下下廷臣議求至當以妥献皇之 以為獻皇科太廟干萬歲後不免通遷若專祀世廟 重承統者大義而世宗以臣紹君以弟承兄數天 谷應泰口孝宗仁聖麟趾不審武廟盤游前星失 再世衰微古今至變也當是時重繼嗣者私恩 明史紀事本末

寢膳死視飲含曽有鞠養之恩蚤定父子之分者 義為誣稱子逼武二統姓孝於理亦碍况父子至 亦在矣所以武宗遺詔不敢子視世廟也既已兄 迎相判也既不考孝即考興獻天下有無父之人 臣民誰忍孝宗之嗣一傳卒斬者既已斬馬則忠 親豈可隔世軼代妄相附屬比之定陶濮王生視 臣義士不能復續求其同氣之近者立之統在嗣 稱武廟因欲併考孝宗則孝以無孫反因得子於

鱼定

匹庫全書 /

卷五

皇馬亦猶周王王季周王文王也湯不王商癸而 無孝宗皇與獻則疑於踏武宗竟几彌留奉廷入 華禮以義起孝子之至也所疑者考興獻則疑於 周王王季光武不王南頓而世宗王與獻踵事增 為天子父為列侯者乎據稱兵逆父遂不敢皇猶 未嘗不考南頓既考與獻即當皇與獻天下有子 乎漢宣不皇其父未嘗不考皇孫光武不皇其父 之舜不王瞍禹不王蘇也興獻以肇脩啓聖儼然 明史吧事本夫

赾 定 四庫全書 尊為天子必欲使之不王其父興獻為天子父必 繼不能得世宗而延其嗣及欲召興獻而亂其統 献王然亦稱景泰帝不入廟則地不傷不稱宗則 號曲體罔極之私情無預朝廷之名器乃世宗 舉朝所以沸騰百官所以號泣也不知太廟 統之地皇而不廟者有異稱宗者繼統之名皇 不宗者亦殊懿文太子亦得為康皇帝英宗斥 不嫌親近則尊親盡則桃辟之遥除之官追贈 者

於至日華 · 宴資有加昭聖皇太后千秋即傳免朝賀傳聞再 異存殁傷心卒之不加宗不入廟殺微稱止遷葵 之實録折衷禮經母乃不倫與國皇太后聖旦則 號甚於牽裾折檻世宗之疾成杖成竟同元祐黨 必欲削去興献崇加嶽號見太后於世廟者献皇 亦璁萼有功於存統也若夫廷和等之伏關呼 殿足矣必欲遷近太廟與之同門獻皇帝足矣 明史紀事本末 四相

敬與之共臣其子此則議禮諸臣之過也至於觀

嚴父之說與唐宗之號進孝宗幾疑逼官武廟強 躋新鬼以明察始以豐禰終盖豐坊固子政之劉 夢諸人無休休之量也至於豐坊倡議嚴萬附和 興國之獄無復金難此則世宗乏錫類之仁亦璁 和戮及身後楊慎滴死貶所濮議諸臣旋蒙賜環 令張孚敬見也 飲分宜實議禮之林南善作者不必善成惜乎不 人大禮未成大獄已起君臣交失君子譏馬而廷

á



腾録監生臣莫殺對官編修臣楊

欽定四庫全書曾要 史部

詳校官員外部臣楊世倫

冬至則祀昊天上帝於國丘以大明夜明星太嶽從夏 至則祀地於方澤以五嶽五鎮四海四清從徳祖而下 書省臣李善長等進郊社宗廟議分祭天地於南北郊 飲定四庫全書管要 巻ハ千八百六十三 明史紀事本末卷五十 更定祀典 嘉靖九年二月給事中夏言請更郊祀洪武初中 浙江提學愈事谷應泰編

特祭於各廟孟夏孟秋孟冬歲除則合祭於高祖廟祀 不時多災異太祖曰天地猶父母也泥其文而情不安 四代各為廟廟南向以四時孟月及歲除凡五享孟春 北於南郊就陽之義盛於北郊即陰之象凡以順天 之性審陰陽之位也豈有崇樹棟字擬之人道者哉 給事中夏言上言古者祀天於園丘祭地於方澤是 可謂禮乃以冬至合祀天地於奉天殿列朝仍之至 以春秋二仲月上戊日太祖從之行之十年水旱

定四庫全書

禮先是夏言疏見納詹事霍韜嫉之上言分郊為秦朝 言四品服織幣以旌其忠 夏四月廷臣集議郊祀典 春稽之古禮俱當有辨因引程朱之論以駁合祀之不 政亂祖制帝置不問輻復為書遺言甚言祖宗定制不 經疏入上方以大禮惠羣臣將大有更易得之甚悦賜 至於一祖二宗之配享諸壇之從事不於二至而於孟 可變周禮為王莽偽書宋儒議論皆為夢語東西郊

於定四車全書

起自是而九廟亦可更矣言飛章并其書上之帝 明史紀事本末

皇帝初年建園丘鍾山之陽方丘鍾山之陰分祀天地 宗遷都當時未有建白以復古制者禮樂百年而後興 諸書以明我朝郊廟之禮皆所當議其器曰我太祖高 此為擅行合祀夫前之分祀酌萬世帝王之道禮本太 記不信哉至於宗廟之制國初立四親廟徳祖居中 始者也後之合祀感一時災異之應禮緣人情者也太 至十年感齊居陰雨之應覽京房災異之說始命即舊 下輻獄於是中允廖道南上既雜引周禮漢志唐六典 方丘於北郊以祀地尊聖祖配享以法周人尊后稷之 古明堂之制宜法聖祖初制兆園丘於南郊以祀天兆 日夕月之禮有其舉之莫敢廢也且今之大祀殿正做 具室之制時享歲給則設累朝衣冠於神座而祀之於 禮大宗伯兆日於東郊兆月於西郊我聖祖亦有朝 始以功臣配享矣恐非古先聖王尊尊親親之道也 九廟其揆一也九年十月改建太廟乃比漢人同堂 熙仁祖次分左右昭穆有定位禘裕有定時視商周上

欽

定四庫全書

明史紀事本末

意而又宗祀太祖太宗於大祀殿以法周人宗祀文王 以合祀為宜而深言猶切夏言復疏申明祀享之議曰 編脩歐陽德給事中陳侃趙廷瑞御史陳講譚 臣於兩無庶尊尊有殺親親有等而古典復疏入下 臣議賛善蔡昂修撰倫以訓姚來祭酒許詔學士張 明堂之禮兆大明於東郊北夜明於西郊以法周 日夕月之禮增太廟大稀之祭正太祖南向之位移 以后稷配天於郊以文王配帝於明堂欲尊文王

復會羣臣集議右都御史汪鋐編修程文德給事中 以尊太祖奉太宗配上帝於大祀殿所以尊太宗於是 灾 E 傅桐行人秦鰲柯喬等二十六人亦主分祀而欲以 全御史李循義等八十二人皆主分祀大學士張璁 不敢以配天者避稷也今宜奉太祖配天於園丘所 川擅為方丘尚書方獻夫李承勲詹事霍輻魏校編 試不可更作尚書李瓒編修王教給事中魏良弼御 **把聞淵等八十四人亦主分祀而謂成憲不可輕改** The sure of the 明史紀事本末 四

宗分祀未當帝然其郊議疏言不報尚書方獻夫詹事 霍韜亦上言前主合祀非是帝不問尋復韜職 修徐階郎中李黙王道二百六人皆主合祀而不以分 再議於是張璁雜引五經及諸史言郊祀者條析合祀 郊其北為皇穹宇建方丘於北郊其南為皇祇室作朝 非明分祀之是名曰郊祀考議上之又疏言太祖太 四郊羣臣議上帝曰分祀良是乃命建園丘於南 非英國公張崙等一百九十八人無所可否帝命 五月

太廟移祀於大興隆寺從禮部尚書李時之請也 王南向左先聖周公右先師孔子東西向凡歲春秋開 日壇於東郊夕月壇於西郊 氏帝師陶唐氏有虞氏王師夏禹王商湯王周文王武 列代帝王南郊從祀及南京廟祭命立帝王廟於京師 先期一日皇帝皮弁服拜跪行真禮 冬十月正孔 初立文華殿聖師之祭奉皇帝伏羲氏神農氏軒轅 宝日車全書 一 祀典易木主及釐正從祀諸賢洪武初司業宋濂上 明史紀事本末 £

秋七月罷姚廣孝配享

官西向猶古意也今襲開元二十七年之制遷神南面 聖城蕭求神於陰陽也今用熏鄉代之非簡乎古者郊 祠孔子帝西向再拜開元禮先里東向先師南向三獻 孔子廟堂議署曰世之言禮者皆出於孔子不以禮祀 孔子褻祀也古者主人西向几筵在西也漢章帝幸魯 有主大夫東帛士結茅為敢無像設之事今因開元 八年之制搏土而肖像馬失神而明之之義矣古者灌 神道尚右之意矣古者木主棲神天子諸侯廟皆

廟祭餐皆設庭燎示嚴敬也今以乗炬當之非賣中古 弗祭開元禮國學祀先聖孔子以顏子等七十二賢配 之有道德者使教馬死則以為樂祖祭於瞽宗謂之先 弼之宗老莊賈遠之忽細行杜預之建短丧馬融之附 凡始立學者必釋真於先聖先師非其師弗學非其學 州惟配顏子今以荀况之言性惡揚雄之事王奔王 若漢禮有萬堂生樂有制氏詩有毛氏書有伏生也

世家亦風其中吾不知其何說也古者立學以明倫子

樂之有無也今襲用魏漢津所制大晟樂乃先儒所謂 春秋非矣釋莫有樂無聲釋菜無樂是二釋之輕重以 學者必釋菜以禮其先師其學官時祭皆釋真今專用 無問吾不知其何說也古者士見師以菜為贄故始入 雖齊聖不先父食今回參仮坐饗堂上而其父列食於 後各飲福即尸酢主人主婦及廣之義也今憚其煩惟 亂世之音可乎古者釋莫釋菜名義雖存而儀注皆不 可考開元禮彷彿儀禮饋食篇節文為詳所謂三獻献

定四庫全書 /

章之任其為通祀則自天子下達的如其言則道統益 初獻得行之可乎他如廟制之非宜冕服之無章器用 尊三皇不淪於醫師太公不辱於武夫矣昔周立四代 欲以伏羲為道統之宗神農黃帝 堯舜禹湯文武次而 雜乎雅俗升降昧乎左右更僕不可盡昔者建安熊氏 之學學有先聖虞庠以舜夏學以禹殷學以湯東膠以 子公卿之師式宜秩祀天子之學若孔子實無祖述憲 列馬車陶伊尹太公周公暨稷契夷益傅說箕子皆天

羽史记筝本末

聖像疑之獨曰此土耳豈聖賢耶孔子生佛教未入中 修飾鴞曰塑像非古也我太祖於太學易以木主彼未 然其他郡縣如故也至是上因纂祀典議成諭大學士 馬此天子立學之法也上不喜調濂安遠知縣不果用 文王復取當時左右赞成其德業者為之先師以配享 國之前烏識所謂像哉於是并易從祀諸賢皆為木主 順間林鴞知蘇州時蘇學廟像歲久剥落或欲加以 者猶當毁之幸遇其壞易以木主有何不可或以毁

匹庫全書 |

禮有甚似而實非者春秋列國僭王則點之夫子入臣 纂入 題奏可孔子祀典自唐宋以来未有得其正者臣 以文其奸也國初大學士吴沉孔子封王辨曰後世之 孔子卒哀公誄之子貢以為非禮平帝始封諡盖新奏 追諡為文宣王元武宗加大成至聖文宣王宋姚媛曰 號漢平帝元帝初追諡孔子曰褒成宣聖公唐玄宗 探令昔儒臣議上里明垂覽以為百世永遵之典 明九紀宇本末

張璁凡雲雨風雷之祀以及先聖先師祀典俱當以次

帝尊太公為武成王則追諡孔子不得而缺豈可以李 林甫不學無術之謬制為萬世程乎祭酒丘濟口自漢 之見也布政夏寅曰唐玄宗開元既尊老子為玄元皇 也生非王爵死而諡之可乎書曰天降下民作之君作 師師也者君之所不得而臣者也故曰詔於天子無 面所以尊師也彼以王爵之貴而隆於稱師者習俗 者也若夫宣之為言諡法之美不過聖善周聞而已 帝追諡孔子為宣尼公至開元加以文文者經天緯 四月在主

寧問始認見用十二旒家服九章金世宗大定間大成 成之言出於孟子成者樂之一終也加此於至聖文宣 先聖冕服桓主一從上公之禮冕九旒服九章徽宗崇 文宣王仍出王者衮冕之服以衣之宋真宗祥符間如 王之上於聖德無謂也一章服唐玄宗開元間詔追益 何足為聖人輕重哉又曰自古諡號未聞有喻言者 聖像冠十二旒服十二章朱熹曰宣聖之設像非古

欴

定日車公吉 一

洪武間割南京太學止用神主不設像今國子監有 明史紀事本末

幂全豆十盖全國朝成化十三年用禮部尚書周洪謨 聖人法也後世化其道而為之長短豐齊郡異縣殊非 設像者仍元之舊也丘濟曰塑像之設自佛教入中國 始李元瓘言顏子立侍則像在唐前已有之矣嗚呼姚 有言北史敢有造泥人銅人者門誅則泥人固非祀 九官舞用八佰宋徽宗大觀問賜禮器一副內邊 詔増六佾為八佾加遷豆為十二祭酒章懋及夏寅 而明之之道也一選豆樂舞唐開元問詔祀先聖樂

整五十一

自 自唐以来以顔淵至子夏為十哲坐祀廟堂上其後升 参孔极俱宋成淳間配享孟軻元豐間配享宋洪邁曰 皆非之以為十二邁豆八佾惟太學可行天子所自祭 子之父點乃在無下從祀之列子雖齊聖不先父食其 子配享則進曾子於堂居子夏次然顏子之父路告 郡縣皆行之祭禮借矣夫孔子不觀魯僭王之禮寧 以安熊禾日宜别設一室以齊國公叔梁統居中 非禮之祀哉一配享唐貞觀問始紹顏四配享曾 用。一旦四点业

朝庭而并及馬融等臣考歷代正史馬融初應邵騰 唐貞觀三十一年始以左丘明等二十七人從祀孔子 其草奏殺李固作西第頌美之劉向初為獻賦進喜誦 召為秘書歷官南郡太守以貪濁免髡徒朔方又為梁 附秦檜和議其歷官行已足述也一從祀程敏政疏 程子之父珦朱子之父松請珦不附王安石新法松不 把國公顏無由菜無侯曾點四水侯孔鯉都國公孟 氏偷食西獨弘治時謝鐸程敏改俱是之敏政又以 四届全書

灾

以為王何之罪深於禁紂何休則止有春秋解話一書 附會圖識致通顯不修小節盖左道亂正之人也王弼 洪範五行傳流為陰陽桁家之小技賈達以獻頌為郎 周王魯又註風角等書班之於孝經論語盖異端 之流也戴聖為九江守多不法何武劾之而免及為 晏倡清談所註易專祖老莊而范舜追究晉室之亂 士毁武於朝子廣客為盗緊獄武平心决之得不死 仙方術當上言黃金可成鑄作不驗下更當死所著 明史巴巨人二

其遺經轉相授受臣竊以為不然夫守其遺經若左丘 **饋遺洛中貴要平吳因研瘦之識盡殺江陵人以吏則** 明公羊高穀梁赤之於春秋伏勝孔安國之於書毛長 不無以將則不義凡此諸人皆當罷點而議者謂能守 於詩高堂生之於儀禮后養之於禮記杜子春之於 又造武謝王肅任魏嗣蘭陵侯乃以女適司馬昭又 禮可以當之融等不過訓話釋章句而已至於鄭泉 司馬師畫第討文欽母丘儉濟其惡杜預守襄陽數

庭

匹库全書

禮禮記賴以傳乞加封爵與左丘明等至孔子弟子見 等五人祀於鄉后養在漢初說禮數萬言號后氏曲 盧植鄭玄服虔范霸五人雖若無過然所行未能窥聖 公伯寮秦冉顏何三人文翁成都廟所盡多遽暖林放 於家語者顧田而下六十六人而司馬遷史記所載多 作申為史記作申黨其實一也令朝廷從祀申根封 所著未能明聖學也臣愚乞罷戴聖等八人祀鄭泉 根三人臣考宋邢昺論語註疏申根孔子弟子在家 月ここうこう

察乃聖門之蟊賊而孔子稱暖為夫子家語史記林放 文登侯在東無申黨封淄川侯在西無甚無謂且公 以為申根申黨位號各存其一公伯寮等五人宜罷其 定四庫全書 而暖放者各祀於其鄉又洪武三十九年行人司副 不在弟子之列秦冉顏何疑亦字畫相近之誤臣愚 亂天下宜并况點之其尚可議者則隋之王通宋之 雄實相伯仲而况以性為惡以禮為偽以子思孟子 砥請點揚雄進董仲舒高皇帝納其言行之然首况 伯

쉾

夢亦請祀祭元定以為律吕大行諸書俱有功於性理又 載暖事以為自秦漢以来師道之立未有過暖者亦宜 本論有到道之功蘇軾曰自漢以来道術不出孔子五 授其子皇極範數此亦衆論之公也臣又按歐陽修所者 弘治初禮官沮格不行同時謝鐸請祀楊時罷吳澄舉人桂 加封爵使得從犯學官臣按敏政所奏率多正論可採而 隱德君子也其粹處殆非荀楊所及朱子小學書亦備 明史紀事本末

胡瑗也先儒以通為僭經而瑗亦少論著程子曰王通

愈既以從犯歐陽修豈可缺哉疏入上命禮部會翰林 豆與天子同令八何十邁盖猶諸侯之禮苟去王號 不王衆人愚昧将安加臆度以為陛下奪孔子王爵 勢少撤毁臣聞愛其人者杖復猶加珍惜况先聖之 難晓且天子像祀孔子來冕章服顯然王度苟去王 臣議編修徐階上言天子王祀孔子承襲已久 餘年而得韓愈愈之後三百餘年而得歐陽子去 像中國家廟祀孔子宫墙之制下天子一等樂無 库全書

埞

典 復司寇之舊夷官殺樂以應禮文恐妨太祖之初制全 享四子仍稱復聖宗聖述聖亞聖從祀弟子稱先賢 向賈達馬融何休王肅王弼杜預吳澄十三人林 申黨二人存根去黨罷公伯寮秦冉顏何荀况戴聖 丘明以下稱先儒俱罷公侯伯爵撤像題主祀之申 乃定於是改大成至聖文宣王為至聖先師孔子其 覧疏不懌出階為延平府推官帝乃自者正孔子犯 碩賜羣臣璁復為孔子祀典或問上之上嘉馬衆

月己巳ョンシ

+ 9

欽 松蔡元定從祀馬改稱大成殿為先師廟 張璁閱視是日帝親祀於園丘奉太祖西向配各時 啓聖公叔梁紀以顔無由曾點孔鯉孟孫氏程珦朱 定四庫全書 / 援歐陽修又以行人薛侃議併進陸九淵從祀而 初有事於南郊先是上命製園丘祀器金爐玉爵綿 暖鄭玄盧植鄭衆服度范軍祀於其鄉進后養王通 主壁及鐘磬賣鼓諸樂器既成陳於文華殿名大學 用壁三獻九奏樂舞用八佾從和四大明夜明各財 月ピ

當兹慎選淑女之時以廣求嗣續之誠告於太廟世廟 士張璁言項者生員李時聽疏請舉祀郊襟之禮以祈 以祈祖考之祐慰聖母之心上嘉其請擇十二月二十 聖嗣夫古后稷之生祈於葆孔子之生亦禧於尼山大 日布詔天下領恩錫於庶官布寬恤於小民 既醉之詩曰公尸嘉告曰君子萬年永錫祚脩曰釐 女士從以孫子夫公尸之告皆祖考之錫福也臣願 恒星五曜犀星及雲雨風雷師各牛一羊一豕 明史紀事本末 **十五** 大學

四 日行禮夏言充祈嗣熊壇監禮使 四庫全書 |

埞

亦各南向四孟及歲除俱各祭於中室仍序昭穆如初 時合祭於徳祖廟序用昭移後改建太廟同堂異室 親廟德懿熙仁同宮異廟各南向孟春特享於羣廟 年春正月乙未特享太廟正太祖南向位初太祖立

特享禮至英宗升初九室悉備憲宗將初用禮官議

享則太祖太宗以下俱東西向至是帝諭張孚敬曰朕 懿祖孝宗祈祧熙祖武宗祈祧仁祖獨德祖不祧時

之乃命祠官於廟中設帝如九廟狀奉太祖南向羣宗 李時議上或咨夏言以助之孚敬唯唯如諭議聞帝從 之制歲暮節祭行於奉先殿世廟止行四時之享歲墓 祭於崇先殿庶祭義明而萬世可行也邪論勿惑即會 冬中旬並享太廟親王功臣配食兩無以存太祖當代 遷就室各南向特享之始退德祖於秘殿不復預時 巴日華白語 一 明史紀事本末

禮三時仍聚羣廟於太祖之室昭穆相向行時拾禮季

欲自今春享奉太祖居中太宗而下各居一室行特章

禮帝既正太祖位向欲復古稀祭乃命輔臣及禮官集 太宗配張孚敬以為不可留中不下言又疏請帝謂羣 臣違君悖理切責之乃命祈穀太祖太宗並配二郊車 祀殿祭皇天上帝用縣犢一蒼玉一三獻九奏樂舞 奉太祖太宗配享夏言建議二郊奉太祖配祈穀奉 太祖馬巴而驚蟄始祈穀 巴而無問大雩秋報諸禮命五品官亦與議馬侍 祈穀於大祀殿初帝以孟春上辛行祈穀於太 命議稀祭大雲秋報諸

HALTEN BOLL BOX . THE COLUMN ASSESSMENT

學士夏言上言惟天子有稀故立始祖之廟則有世系 祖 廟之主矣然則王禘之祭又可復尊德祖乎身為始祖 夏商之稀黄帝帝嚳則無所考若强求其人如李唐之 而又為始祖之所自出恐無是禮也三代而下必欲如 祖 可考者十世猶將立之然則又以何者為始祖自出之 **聃又非孝子慈孫之所忍為也臣愚以為宜設先祖** 百有六十餘年尊享太廟之祭今又定為大治統產 而祀之始祖之廟乎我祖宗之有天下以德祖為始

芝日華 全書

明史紀事本末

虚位而以太祖配享盖太祖始有天下實始祖也疏入 大學士學敬曰言虚位者失之幻言顓頊者失之誣惟 帝深然之時中允廖道南上言皇姓為顓頊之後宜稀顓頊 中陛行大雲禮夏言言秋報宜於大祀殿奉文皇帝配 太廟凡祭先一日令中書官書神牌於太廟曰皇初始 是已而帝竟從言議定以內平年孟夏行大禘禮於 **德祖為當季承勲等皆以為然夏言復抗疏折其** 神南向太祖配位西向帝又欲於奉天殿行秋報禮

行祈穀禮若春夏雨赐以時則害祭代攝否則躬祀於 月建大神殿於南郊初南郊撒屋為壇祭之奉上帝神 E 禮於東郊太牢一用玉禮三獻樂七奏舞八佰 禮姑寢不舉 二月庚辰初朝日是日春分初行朝 欲改建於丘之東南夏言言向者大神殿之建乃 國丘上配以太祖既祭而神牌莫知所藏帝命建大 以藏之帝又念舊存齊官在園丘北是路視園丘 明史紀事本末

į

大雪宜於郊兆傍為壇孟夏後雪祭帝謂孟春上辛既

尊天不自封樹以明謙恭之意故惟大次之設為合古 下竭誠事天此制為可若更起齊官園丘之傍似於古 議皇后親蠶於北郊自夏言首發之至是帝召張孚敬 掃地之意未為允協且秦漢以来未有營室者質該 陛下前日考據精詳豈令偶未之思耶伏望齊宣 時指西死相地建土穀壇乃併建先蠶壇於神壽官 以仰答太靈帝報可遂建土穀私先蠶壇於西苑初 而毁北郊蠶室馬 厚全書 卷五十 五月壬子初有事於北郊是日

俱存舊弗撒惟度地分建羣廟不决而退廖道南疏請 各太牢一 烈山為 時翟靈禮部尚書夏言議復古七廟制其太廟寢 年夏四月初營九廟帝御文華殿東室召大學上 一五鎮及天壽紀徳山為 月癸未初夕月祭於西郊如朝日祭 明月日日日日 四海四瀆為二 祧

夏至帝祀地於方澤用解牛

一黄琮一三獻九奏樂

俏太祖西向配解牛一從祀四壇五嶽及基運翊聖

皆七廟而祭法王制與劉歌宗說又各不同朱熹古今 帝異廟異地不合都宫不叙昭穆明帝遵儉自抑遺命勿 帝悦下禮臣議夏言上言告唐虞五廟夏后因之殷周 四親廟始為近古後改建太廟又用明帝之制皇上 制引王制天子七廟外為都宮内叙昭穆漢不考古諸 九廟併献大祀禮成感雪賦及御礼曾及其名者三 為廟遂有同堂異室之制魏晉唐宋皆然我太祖初 定四庫全書 人 祀典於廟制不能無疑形諸翰礼召論者屢矣弟

歲舉祭止對越太祖而不一至羣廟乎丘濟謂宜間 太廟南近宫墙東通世廟西阻前朝地勢有限垣外 日後世失禮宣獨廟制漢儒以来講完非不詳明 日亦不足矣議者謂羣廟可攝皇上仁孝誠敬可終 欲稍減規制則太廟鬼然而羣廟湫隘於義未安即 不盈數十丈若依古制列六廟即盡闢其地猶不能 廟自十四日而遍此盖無據而强為之說也馬端 成皇上冠冕佩王循紆曲之途遍歷厚廟而莫獻 而

头

E 9

The state of the

明史紅事本末

主

禮未能復古可乎今太廟堂寝俱有定制不必更移其 昭 詣 穆廟次即會官相度地勢奏聞於是言惶懼謝罪請 後可兄弟相 改建新官太祖居中昭穆各三廟成祖廟在六廟之 不能復古者以昭穆難定故也盖昭穆必父子繼 一廟合為都宫廟各有殿殿後有寢藏主太廟寢後 太廟旁量定地勢審度方位以聞帝從之乃撤 也帝曰朕於天地百神祀典俱已釐正獨太廟之 及則紊矣故東都以来同堂異室未 世

言上言京師宗廟行將復古而南京太廟遠罹田禄陛 別有秘寝藏祧主太廟門殿皆南向犀廟門東西相向 仍諭令敦本尚實勿徒事辭章 六月南京太廟災夏 俏 内門殿寢皆南向 皮弁服謁拜用特性真帛行釋真禮樂三奏文舞入 建徳之意聖祖啓後之靈不可不點會於的的之主 從祀及啓聖分真用酒脯已視學進諸生横經布講 三年三月帝視太學釋真先師帝以孔子改稱先師 101 de 11 100 明史紀事本末 =

復古廟制正太祖南向位則太廟之名實符周典太宗 十四年二月初建九廟先是夏言請定七廟額謂陛下 廟孝宗武宗為昭穆第三廟則萬世不刊之制也帝從 上仁宗宣宗各為昭穆第一廟英宗憲宗為昭穆第1 功德隆赫特建百世不遷之廟宜曰文祖世室在三的 時祀并入南京奉先殿盖失鎬洛遗意矣 也帝喜令亟起新廟南京太廟不復建遺址築周垣馬

四月在這一

殿以其地奉建慈慶慈寧二官命廷臣議食以為可帝 羣臣疏頌於是侍讀學士廖道南撰種頌九章以獻 及宸諭詩歌中書禮儀禮器樂舞樂章末附諸王表箋 百俱命銷毀其几案懸鍍金函藏貯尚多佛骨佛牙諸 即命撤之召李時夏言入視大善殿見金範佛像不下干 及稀給先師先農諸祀悉為分類成書首冠祀擅圖制 五年二月纂修祀儀成自天地日月神祗帝王社稷 月建慈慶慈寧官點禁中佛像時帝欲除去禁中釋 2. L. II 明史紀事本末

物言退上疏力請焚產帝從之於是禁中不織进斤殆 每立春特享祖宗於奉廟三時合享於太廟季冬大 韶天下帝乃定五年一禘祀皇初祖於太廟以太祖配 於太廟皇考獻皇帝止舉時祀 民得祀始祖夏言據程頤議為請也 十二月九廟 六月勅祀姜嫄后稷於武功 十一月詔天下 秋九月奉太宗文皇帝為成祖皇考献皇帝為 十一月薦大號於天改昊天上帝

四屋台門

室之制 二十四年夏六月撒元世祖廟祀及其侑饗木黎華等二十年夏四月辛酉九廟災誰樣 禮亦宜罷認可惟四郊如舊 並行於仲春不無煩數宜罷祈穀於先農壇行事大至 稱皇天上帝 穆宗隆慶元年禮官言先農之祭即祈穀遺意今二祀 五人從給事中陳非議也 明史紀事本末 秋七月太廟成復同堂異

主

쉷 灾 宗自大禮議既然有更定制作之思而諸臣紛紛言 匹 禮十一月有事南郊十年春正月享太廟議祕禮 犯事矣嘉靖九年二月議郊社禮冬十月議孔子 年後興敷後世謹守故府學士大夫莫敢辨難世 靈應禮官式微愈彰誣聚明初宋漁諸臣講禮我 谷應泰曰漢制近古然禮制缺馬唐祖李聃宋祀 二月祈穀議稀行朝日禮建上穀先蠶壇五月有 行頗多釐正高祖喜簡易不見採擇豈禮樂必百 库全書 |

饗禮九月孙獻皇帝加屬宗配祀上帝嗚呼感哉 擅於南社壇於北本其氣也日月風雷山海縣濟 至尊莫大於天地至親莫大於祖宗教天下莫大 随馬從其類也配以太祖明受命也秋復饗於玄極 於孔子養天下莫大於土穀尊天地故有郊社郊 奠禮十四年二月建九廟十七年五月議明堂秋 報其功也秋則配於太宗告成功也晚易魯宗昵 明史紀 事本末 計画

事北郊八月行夕月禮十三年四月視太學行釋

金 **5匹庫全書** ┃ 漢平帝始也王拜於帝僭已稱先師禮也廟祀設 羣帝然嫌高帝已教天下故祀孔子孔子加封自 於私已親祖宗故有太廟太廟七太祖三昭三穆 合享勤時祭也季冬大裕萃海也五年一稀設皇 也文世室一别祀成祖不敢桃也立春特享三時 自唐開元始也其衰已甚易木主禮也八何十 祖馬虚設皇初祖位泥古而誣者也點德祖若 祖主配於太祖報本追遠也徳祖秘矣稀宜用 卷五十

飲定日車公告 一 亦遷馬非其類已帝採稽典聞精思種祀進退羣 賢矣曾點顏路退食無下子先父食改附啓聖禮 減等禮也帝釋真舞六何謬已從祀四聖七十二 有天下之主也遷蠶室於西苑申內禁也土穀擅 后着等五人考証班班勿僭勿聽禮也養天下故 也刑申黨點公伯寮等十三人改遠暖等七人進 祀土穀祈穀於太祀殿用人道也配以太祖太宗 一豆邁自宋嶽宗始也祭用生禄太學仍之郡國 明史紀事本末 主

